

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 07-08-2024

Mødedato Onsdag d. 07. august 2024 kl. 13:00

Mødested Kommunalbestyrelsen ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Siulittaasup aalajangiinera pillugu ilisimatitsissut.....	6
Nuummi siunnersorteqarneq pillugu misiligutitut suliniummik misissuineq.....	8
2025-mut missingersuutit.....	11
Ataatsimiititap Tasiilamut angalanera, 2024-mi ukiakkut.....	14
Ulloq naallugu atuarfiup Ineriartortinnissaanut Allinissaanullu najoqqarineqartussat allaaserineri.....	16
Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera.	19
Fritidshjem Aqqalummi atuisut amerlassusiligaanerannik allannguneq.....	22
Meeraaqqerivimmi Meeqqami inimik matusineq - Paamiut.....	25
Kusernermiit allaffiup nuunneqarnera.....	28
Lukket.....	31
Lukket.....	32
Tamalaat.....	33
Imaqarniliap akuerineqarnera.....	34

Punkt .: Saqqaa

Ilaasortat:

Poul Petersen (D) Siulittaasoq
Naya Sophia Pedersen Lyberth (IA) Siulittaasup tullia
Charlotte Ludvigsen (IA)
Laura Taunâjik Uitsatikitseq (S)
Dines Mikaelen (S)

Beslutning

Peqataasut:

Poul Petersen (D)
Naya Sophia Pedersen Lyberth (IA)
Charlotte Ludvigsen (IA)

Oqarasuaatikkut:

Dines Mikaelen (S)

Ataatsimeeqataasinnaanatik nalunaartut:

Laura Taunâjik Uitsatikitseq (S)

Punkt .: Oqaluserisassat akuerineqarneri

Beslutning

Oqaluserisassat akuersissutiginearput.

Punkt .: Nalunaarutit

Beslutning

Meeqqanut Atuarfeqarnermullu ingerlatsivimmiit nalunaarutit:

- Atuarfimmi ineriartortitsineq "Projektit aallaavigalugit ilinniarneq" pillugu Siunnersorti isumaqatigiissuteqarfigineqarpoq, Atuarfik Inussuk misiliiffiusutut. Atuarfimmi siunnersortit atuartitsinermi peqataasassapput, atuarfissani atuartitsinermik ingerlatsisinnaaniassagamik. Aningaasat nammineq missingersuutiniipput.

Punkt 1: Siulittaasup aalajangiinera pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Siulittaasup aalajangiinera ullulerlugu atsiorneralu

Atuarfik Inussuk pillugu atuangiffeqarnissamut pilersaarut 2024/2025

Siulittaasup aalajangiinera pillugu ilisimatitsissut

Ilisimatitsissut

SagID.: EMN-2023-04849

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamat inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivik Kommuneqarfik Sermersuumi Atuarfik Inussummut ukiumut atuarfiusumut 2024/2025-mi atuangiffeqarfissanut pilersaarummut allannguutissamik siunnersuusiortoq. Atuilernissamat akuersissuteqarnerup oqartussanit kingusinaarunneqarnera allannguuteqartitsinermut patsisaavoq.

Atuarfik Inussummi atuangiffeqarfissanut pilersaarummi allannguinerit tassaapput, ulloq atualerfissaq sisamanngornermi aggstip 29-anni 2024-mi pisussanngorpoq aamma 2025-mi ulloq atuarfiusoq kingulleq juunip 24-anni pisussanngorluni. Nuummi atuarfiit allat sisamanngornermi aggstip 15-ianni 2024 atualissapput ullorlu atuarfiusoq naggataaq pissalluni juunip 20-anni 2025.

Aammattaaq Nuummi illoqarfiup atuarfiinut tunngatillugu atuangiffeqarfissatigut allannguuteqartoqarpoq, taakkulu ilanngussami takuneqarsinnaapput.

Atuarfik Inussummi atuangiffissanut pilersaarummut allannguutissatut siunnersuut kiisalu atuangiffeqarnermut pilersaarummut atuarfeqarneq pillugu inatsimmut najoqqutassaq. Atuarfik Inussummi ullut atuarfiusut 200-nissaat attanneqaannassaaq.

Sunngiffimmi ornittagaq USK-imut ASK-imullu attuumassutilik atuartunut aasaanerani atuangiffeqarnerup nalaani ammaannassaaq.

Erseqqissaatigineqassaaq immikkut suliaqarfik immikkoortorta ASK-imiittussaq Nuummiittutut allatut 15. aggsti 2024 atualertitsissasoq aamma 20. juuni 2025-mi atuangiffeqarneq aallartissagaa atuangiffeqarnissamat pilersaarutaasoq

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq
- Atuarfimmi atuartut atuangiffeqartarnerisa pilersaarusiortat pillugu Namminersornerullutik Oqartussat nalunaarutaat nr. 4, 5. marts 2003-meersoq

Ilanngussaq

1. Siulittaasup aalajangiinera ullulerlugu atsiorteralu
2. Atuarfik Inussummut pillugu atuangiffeqarnissamat pilersaarut 2024/2025

Punkt 2: Nuummi siunnersorteqarneq pillugu misiligutitut suliniummik misissuineq

Beslutning

Ilisimatitsissut tusaatissatut tiguneqarpoq.

Bilag

Tromsø Kommunemit saqqummiussaq

Nuummi siunnersorteqarnek pillugu misiligutitut suliniummik misissuineq

Aalajangiiffigisassaq

SagsID.: EMN-2024-01963

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Ulloq 13. aamma 14. maaji 2024 Kommunalbestyrelse peqatigalugu meeqqat aamma inuusuttut akornanni pinerlunneq pillugu ukkataqarluni immikkut sammisaqartoqarpoq. Aaqqissuussami ilaapput ilisimasani avitseqatigiinneq, saqqummiussineq aamma workshoppertitsineq aammalu Meeqqanut Ilaqutariinnullu politikkimut nutaamut ilanngukkusutanik aamma ukkataqarneqarlutik. Pitsaaliuineq tamakkiisumik sulinermi pingaaruteqartutut suussusilerneqarpoq. Suliniuteqarfissat, Kommunalbestyrelsimit sulii kissaatigineqartut ilaatigut ilagaat: sunngiffimmi sammisassat, workshoppertitsinerit, siunnersorteqarnek, ikorfartoqatigiinneq, ilaqutariinnut aamma angajoqqaanut pilersaarutit kiisalu sammisassaqaarfiusunik pilersitsineq.

Immikkut sammisaqarnermi Kommunalbestyrelse siunnersorteqarnerup atulernissaanut periarfissanik sukumiinerusumik misissuinissaq, Tromsømi siunnersorteqartarnek isumassarsiorfigalugu. Saqqummiisut akornanniippoq Nuummi Meeqqanut Inuusuttunullu Sullissivik, assigiinngitsunik suliniutilik, taakkua ilaat siunnersorteqarnermut isummamut naleqqulluni. Taamaattumik Kommunalbestyrelsimit kissaatigineqarpoq, suliniutit atuutereersut annertusinissaat.

Taamaattumik Meeqqanut Ilaqutariinnullu Ingerlatsivimmit periarfissaq tamanna misissorneqassaaq immikkoortut tulliuuttut ukkataralugit:

- Tromsømit siunnersorteqartarnek pillugu pilersaarut qanoq isumassarsiorfigisinnaavarput Nuummilu illoqarfimmi pissutsinut naleqqussarlugu?
- Suliassaqaarfinni sorlarni siunnersorteqarnek ilanngunneqarsinnaava?
- Siunnersorteqarnek pillugu pilersaarummut atuutilersitsinerneq pilersaarut qanoq ilusilerneqarsinnaava?
- Nuummi misiligutitut suliniuteqarnermut missingersuut qanoq issava?

Misissuineq taanna aqqutigalugu Meeqqanut Ilaqutariinnullu Ingerlatsivimmit isumalluutit piginnaanerillu pisariaqartut suussusilerneqassapput, siunnersortit eqqortut aamma inuusuttut inissisimanerannut naleqquttut qulakkeerniarlugu, kiisalu siunnersorteqarluni suliniutip pitsaassusaanik naliliisoqassaaq sukumiinerusumik atuutilersinnagu.

Misiligutigalugu suliniutip siunertaa tassaassaaq, Kommuneqarfik Sermersuumi illoqarfiit sinnerini pilersaarut qanoq naleqqussarneqarsinnaanersoq misissussallugu. Misiligutitut suliniutip misissornerani nalunaarusiap naammassineqarnerata kingornatigut, ataatsimiititamut aamma Kommunalbestyrelsimit nalunaarusiaq saqqummiunneqassaaq misiligutitut suliniutip aallartisarneqarnissaa pillugu aalajangiisoqarnissaa siunertarlugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqat tapersorsorneqarnissaannut Inatsisartut inatsisaat nr. 20, 26. juuni 2017-imeersoq

Ilanngussaq

1. Tromsø Kommunemit saqqummiussaq

Punkt 3: 2025-mut missingersuutit

Beslutning

Immikkoortoq sapaatip akunnerata ingerlanerani immikkut ittumik ataatsimiinnissamut kinguartinneqarpoq, ingerlatsivimmit paasissutissat itinerusut ataatsimiititamit kissaatigineqarmata.

Ataatsimiititamit meeqqerivik Sikkersumut Missingersuut Sanarfinermut Avatangiisinullu Ingerlatsivimmut ingerlatinneqarnissaa kissaatigineqarpoq.

Bilag

Missingersuutitut siunnersuut 403.1

Missingersuutitut siunnersuut 403.2

Missingersuutitut siunnersuut 403.3

Missingersuutitut siunnersuut 403.4

Missingersuutitut siunnersuut 403.5

Missingersuutitut siunnersuut 403.6

Missingersuutitut siunnersuut 404.1

Missingersuutitut siunnersuut 404.2

Missingersuutitut siunnersuut 404.3

Missingersuutitut siunnersuut 403.4

2025-mut missingersuutit

Allaffissornermi missingersuutitut siunnersuutit politikikkut pingaarnersiorneqartussat

Aalajangiiffigisassaq

SagsID.: EMN-2024-01487

Meeqqanut Ilaqutariinnullu Ingerlatsivik – pisortaq Frederik Lundblad / FREL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LMN

Inassuteqaat

Meeqqanut Ilaqutariinnullu Ingerlatsivimmit aamma Meeqqanut Atuarfeqarnermullu

Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamat

inassuteqaatigineqarpoq:

1. ingerlatsiviup 2025-mut missingersuutitut siunnersuutaa ikiliartorneri malillugit pingaarnertinneqassasoq
2. pingaarnersiuiineq 2025-mut missingersuutitut Aningaasaqarnermut Inuussutissarsiornermullu Ataatsimiititami politikikkut missingersuutitut isumaqatiginninniarnissanut ilanngunneqassasut, 2025-mut missingersuusiornermi malittarisassat innersuussutigalugit

Suliassamik saqqummiussineq

2025-mut missingersuutit suliarinerinut atatillugu Kommunalbestyrelsip juunip 25-ani 2024-mi 2025-mut missingersuusiornermi malittarisassat akuersissutigai. Taanna naapertorlugu ukiumut tulliuuttumut allaffeqarfiup missingersuutitut siunnersuutai ataatsimiititit susassaqtartut ataasiakkaat pingaarnersiussavaat. Ataatsimiititit susassaqtartut taamatut pingaarnersiuiinerat pereerpat kingornagut eqqartuinissanut ilanngunneqassapput, 2025-mut missingersuutissat Aningaasaqarnermut Inuussutissarsiornermullu Ataatsimiititami suliarineqarnissaannut atatillugu ingerlanneqartussami.

Missingersuutitut siunnersuutit ilanngunneqartut pingaarnersiorneri imaangilaq, ataatsimiititap susassaqtartup akuerisimagai, imaluunniit siunnersuutit ataasiakkaat itigartitsissutigisimagai. Pingaarnersiuiineri allaffissornermi siunnersuutit sorliit piffissami missingersuusiorkiusumi ataatsimiititami pingaarnarpaatut naliliiffigineqarneri pineqarput.

2025-mut missingersuusiornermut malittarisassat innersuussutigalugit, missingersuusiornermut malittarisassani aalajangiunneqartoq malillugu qinikkat missingersuutissatut siunnersuutaat aalajangersimasut aggustip naaneraniit septembarip qiteqqunneranut oqaluuserineqartussat iliuuseqarfiginissaannut inissamik pilersitsisoqarumaarpoq.

2025-mut missingersuutitut Meeqqanut Ilaqutariinnullu Ingerlatsivimmi aamma Meeqqanut Atuarfeqarnermullu Ingerlatsivimmi aamma allaffeqarfimmiit missingersuutissatut siunnersuutaasut ataatsimiititami pingaarnersiugassatut kissaatigineqartut kakkiussamiipput. Allaffeqarfimmiit sanaartugassanut tunngasunik siunnersuutissaqanngilaq

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit Namminersorlutillu Oqartussat missingersuutaat naatsorsuu-taallu pillugit
Inatsisartut Inatsisaat nr. 26, 28. november 2016-imeersoq
Missingersuutit naatsorsuutillu
- 2025-mut Missingersuusiornermut malittarisassat

Ilanngussaq

1. Missingersuutitut siunnersuut 403.1
2. Missingersuutitut siunnersuut 403.2
3. Missingersuutitut siunnersuut 403.3
4. Missingersuutitut siunnersuut 403.4
5. Missingersuutitut siunnersuut 403.5
6. Missingersuutitut siunnersuut 403.6
7. Missingersuutitut siunnersuut 404.1
8. Missingersuutitut siunnersuut 404.2
9. Missingersuutitut siunnersuut 404.3
10. Missingersuutitut siunnersuut 404.4

Punkt 4: Ataatsimiititap Tasiilamut angalanera, 2024-mi ukiakkut

Beslutning

Inassuteqaat akuersissutigineqarpoq.

Bilag

Ataatsimiititap angalanissaannut aaqqissuussaaneq (marsip ulluisa aqqaneq-aappaanni 2024-mi aalajangiussaq)

Ataatsimiititap angalanissaannut pilersaarut



Ataatsimiititap Tasiilamut angalanera, 2024-mi ukiakkut

Meeqqanut, Ilaqutariinnut Atuarfeqarnermullu Ataatsimiititaq

Aalajangiiffigisassaq

SagsID.: EMN-2024-01528

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ataatsimiititap 2024-mi ukiakkut Tasiilamut angalanissaa akuersissutigineqassasoq

Suliassamik saqqummiussineq

Kommuneqarfik Sermersuumi qinikkat illoqarfiit nunaqarfiillu pillugit paasisimasaqarnerunissaat ilisimasaqarnerunissaallu kiisalu kommunimi innuttaasunik oqaloqateqarnissaq ataatsimiititap angalanissaanni siunertaavoq. Ataatsimiititap kommunip avataani angalanerani aamma namminneq suliassaqarfimminnut tunngasunik paasisaqarnerunissaat isumassarsiortarnissaallu saniatigut periarfissaassaaq.

Marsip ulluisa aqqaneq-aappaanni kommunalbestyrelsip ataatsimiinnerani ataatsimiititap angalasarnerisa aqqqissugaanerap qinigaaffiup naanissaanut akuersissutigineqarput (ilanngussaq 1). Iluseq tamanna malillugu Meeqqanut, Ilaqutariinnut Atuarfeqarnermullu Ataatsimiititaq Tasiilamut 2024-mi ukiakkut angalassaaq.

Angalaneq sapaatip akunnerisa 40-anni pissaaq, Kommunilbestyrelsip Tasiilami ataatsimiinnissaa qanillisoq. Tassa imaappoq ataatsimiititaq Tasiilamut angalassaaq ulloq 2. oktobarimmit ulloq 9. oktobarip, 2024 tungaanut.

Ingerlatsivimmit aningaasatigut sulisoqarnikkullu naliliinerit

2024-mi ataatsimiititap angalanissaannut katillugit 950.000 koruuninik immikkoortitsisoqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- o Ataatsimiititap angalanissaannut pilersaarut

Ilanngussat

1. Ataatsimiititap angalanissaannut aqqqissuussaaneq (marsip ulluisa aqqaneq-aappaanni 2024-mi aalajangiussaq)
2. Ataatsimiititap angalanissaannut pilersaarut

Punkt 5: Ulloq naallugu atuariup Ineriartortinnissaanut Allinissaanullu najoqqarineqartussat allaaserineri

Beslutning

Immikkoortoq oqaluuserisassanit peerneqarpoq immikkullu ittumik ataatsimiinnermi oqaluuserineqassalluni.

Bilag

Ulloq naallugu atuariup inerisaaneq annertusaanerlu sinaakktissanut allaaserisaq



Ulloq naallugu atuariup Ineriartortinnissaanut Allinissaanullu najoqqarineqartussat allaaserineri

Aalajangiiffigisassaq

Suliap ilisarnaataa.: EMN-2023-04594

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

1. ulloq naallugu atuarfimmu najoqqutassatut allaaserisaq akuerineqassasoq
2. ulloq naallugu atuarfik pillugu najoqqutassatut allaaserisaq Suliffeqarnermut Isumaginninnermullu Ataatsimiititamut ilisimatitsissutitut ingerlateqqinneqassasoq
3. suliap Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugulu ingerlateqqinneqassasoq

Suliassamik saqqummiussineq

Inuit Ataqtigii Demokraatillu 2023-2025-mut suleqatigiinnissamik isumaqtigiissutaanni ersersinneqarpoq Kommuneqarfik Sermersuumi meeqqat inuusuttullu innarluutillit ilinniarnissannut sunngiffimmilu periarfissaannut najoqqutassat pitsaanerulersinneqassasut. Ulloq naallugu atuariup ineriartortinnissaanut allilernissaanullu najoqqutassatut allaaserisami matumani siunertarineqarpoq meeqqanut neqeroorutit, taakku pisariaqartitaat atuarfimmi nalinginnaasumi naammassineqarsinnaanngitsut pitsaassutsimikkut pitsaanerulersinneqarnissaat. Immikkut ittumik 1. klassimiit 10. klassimut meeqqanut immikkut annertusisamik perorsaaniikkut pisariaqartitsisunut neqerooruteqarnissaq siunertaavoq, tamannalu inuttut siuariaatigalugulu atuakkatigut ineriartuutigisavaat kiisalu inersimasutut inuulernissaannut piareersarlugit.

Kommuneqarfik Sermersuup Inunnut innarluutilinnut politikkaa malillugu meeqqat immikkut pisariaqartitsisut sapinngisamik nalinginnaasumik neqeroorutini ilaatinneqartassapput. Ulluunerani neqeroorutini, atuarfinni allanilu ilinniartuusuni najoqqutassat periutsillu meeqqanut ataasiakkaanut naleqqussarneqassapput, killormuunngitsaq. Meeqqalli ilai ima annertutigisumik ikorfartorneqarnissaminnik pisariaqartitsisarput avatangiisini immikkut naleqqussakkaniinnissaminnik pisariaqartitsisarlutik.

Massakkorpiap Kommuneqarfik Sermersuumi meeqqanut immikkut pisariaqartitsisunut atuarfimmilu nalinginnaasumi aamma Nuummi Ulloq naallugu atuarfimmi neqeroorutigineqarsinnaasunit annertunerusumik naleqqussakkanillu naammattunik neqerooruteqanngilaq. Taakkunani ilaapput meeqqat sakkortuumik autismeqartut.

Meeqqanut Atuarfeqarnermullu Ingerlatsivik 2023-mi misissueqqaarnermik aallartitsivoq, immikkut suliassaqarfiup misissornissaanut paasissutissanik tunngaviliiniarluni. Misissueqqaarnerit takutippaat inissaqarnikkut ajornartorsiuteqartoq, pisariaqartorlu immikkut ittumik neqeroorutit tulluarsarneqarlutillu siunnerfilertariaqartut meeqqat pisariaqartitai malillugit. Ullumikkut meeqqat assigiinngitsunik suussusiliiffigineqarsimasut Nuussuarmi Ulloq naallugu atuarfimmi ataatsimoortinneqarput, tassanili immikkut pisariaqartitaat naammattumik isumagineqarsinnaanngillat.

Meeqqanut Autisme Spektrum Forstyrrelseqartunut (ASF) eqqortunik piginnaasalinnik ilikkarfiusumillu neqeroorummik pilersitsinissamut Ulloq naallugu atuariup immikkoortumik allilerneqarnissaa pisariaqarpoq. Maanna siunnersuut saqqummiunneqarpoq, meerartaqaratta



pilertortumik pisariaqartitsisunik immikkut ittumik ilinniartittariaqartunik, illorlu tulluortoq atorneqarsinnaangorsimalluni.

Pilersaarutaavoq, Ulloq naallugu atuarfik Nuussuarmiittoq atualerlaanullu illu Atuarfik Samuel Kleinschmidtmiittoq atuarfittut ataatsit matrikelit marluusuni atuutissasut, sullinniakkanut assigiinngitsunut naleqqussarlugit. Matrikel A meeqqanut ASF-ilinnut siunnerfeqartinneqassaaq, Matrikel B meeqqanut pissusilersornikkut attaveqarniarnermillu ajornartorsiutilinnut siunnerfeqartinneqassaaq.

Ulloq naallugu atuarfik nammineq atuarfimmi pisortaqaassaaq, sulisoqarluni, missingersuuteqarluni, ateqarluni pingaartitaqarlunilu, aamma atuartut atuarfimmu attuumassuteqartutut misigissapput atuarfillu tulluusimaarutigalugu. Atuarfik akuleriinnik atuartut atuareernerup kingorna ornittagaqarlunilu sunngiffimmi ornittagaqassaaq.

Najoqqutassatut allaaserisaq Inunnut innarluutilinnut suliaasaqarfimmit suliarineqareerpoq, attuumassuteqartunullu tusarniaaneq ingerlanneqareersimalluni. Taakku oqaaseqaataat siunnersuummi najoqqutassatut allaaserisamut ilanngullugit suliarineqarput.

Ingerlatsivimmit aningaasatigut sulisoqarnikkullu naliliinerit

Suliamik saqqummiussinermi matumani taamaallaat Ulloq naallugu atuarfiup ineriartortinnissaa allilernissaalu pillugu najoqqutassatut allaaserisap akuersissutigineqarnissaa pineqarpoq. Najoqqutassatut allaaserisaq akuerineqassappat, 2025-mut missingersuutininik suliaqarnermut atasumik Ulloq naallugu atuarfik inerisarnissaanut allilernissaanullu periarfissat allattorsimaffiannut siunnersuusiortoqaassaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Inuit Ataqatigiit aamma Demokraatit akunnerminni suleqatigiinnissamik isumaqatigiissutaat 2023 - 2025
- Missingersuutit pillugit isumaqatigiissut 2024 Kommuneqarfik Sermersooq
- Inuit innarluutillit pillugit politikki 2024 - 2028 - Kommuneqarfik Sermersooq
- Inuit innarluutillit pillugit suliaasaqarfimmut pilersaarut 2018 - 2026 - Kommuneqarfik Sermersooq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Inatsisartut Inatsisaata nalunaarutaat nr. 21, 8. december 2017-imeersoq
- Inatsisartut inatsisaat nr. 20, 26. juuni 2017-imeersoq: Meeqqat tapersersorneqarnissaat pillugu

Ilanngussaq

1. Ulloq naallugu atuarfimmi inerisaaneq annertusaanerlu sinaakkutissanut allaaserisaq

Punkt 6: Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera

Beslutning

Inassuteqaat akuersissutigineqarpoq.

Bilag

Ukioq atuarfiusoq 2024/2025-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarannut takussutissiaq

Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera

Akuerisassaq

SagsID.: EMN-2024-02335

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

1. ukiumut atuarfiusumut 2024/2025-mut akunnerit suliffiusussat missingersuutaat tiimit 830.498-it akuersissutigineqassasoq
2. suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

Atuarfimmu tunngasunik ilinniartitsisunik pisariaqartitsinerup misissoqqissaarnerani najoqqutarineqarpoq atuarfiit ukiumi atuarfiusussami tullermi atuartitsinermik ingerlatsinermi sinaakutissaq tamakkiisoq. Tamanna tunngavigalugu ukiumi atuarfiusumi tullermi tiiminik atuineq tamakkiisoq oqaatigineqarsinnaavoq, ilinniartitsisunillu qanoq amerlatigisunik pisariaqartitsisoqarnissaa.

Ilinniartitsisunik pisariaqartitsinerup misissuiffigeqqissaarnerata naatsorsorneqarnera tunngavigalugu ukioq atuarfiusussaq tulleeq ingerlatsivimmit nalilerneqarpoq, kommunimi illoqarfinni nunaqarfinnilu atuarfinni 16-ini atuartut katillugit 2870-it aallartissasut. Tassa ukiumi atuarfiusumi kingullermiit 66-inik atuartut amerleriarput. Atuartut amerlassusissaasa katinneranni atuartut 248-t immikkut atuartinneqassapput. Ukiumut atuarfiusumut kingullermut naleqqiullugu atuartut arfinilink amerlanerupput. Klassit 151-it pilersinneqarnissaat naatsorsuutigineqarpoq, tassalu ukiup atuarfiusup siulianit klassinik tallimanik ikinnerullutik. Tassunga ilanngullugu immikkut atuartitsinermi klassit 41-t pilersinneqarnissaat naatsorsuutigineqarpoq. Ukiup atuarfiusup siulianut sanilliullugu klassit pingasunik amerlillugit pilersinneqarnissaat naatsorsuutigineqarpoq.

Atuarfinnut akunnerit atuartitsissutaasussat katillugit 830.498-it tiimiussasut naatsorsuutigineqarpoq. Tassa ukiup atuarfiusup siulianit 11.053 tiiminik amerlanerupput. Naatsorsorlugu tamanna ilinniartitsisut atorfiisa 392-it amerlaqatigaat. Ukiup atuarfiusup siulianut sanilliullugu saniatigut ilinniartitsisut atorfiinik sisamanik amerleriarnepput.

Ingerlatsivimmit aningaasatigut sulisoqarnikkullu naliliinerit

Ukiumi atuarfiusumi 2024/2025-mi ilinniartitsisunik pisariaqartitsinermik misissuiffigeqqissaarnerup tunngavigalugu Meeqqanut Atuarfeqarnermullu Ingerlatsivimmit nalilerneqarpoq, atuarfeqarnermut suliassaqarfik ilinniartitsisunut sisamanut aningaasaliiffigineqassasoq. Tamatumunnga klassit immikkut atuartitsiviusut marluk kiisalu ilaqutariit klassiat ataaseq pilersinneqarnerannik pissuteqarpoq, aammattaaq atuarfinni atuartoqassutsikkut amerlineri pissutigalugit.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Kalaallit Nunaanni meeqqat atuarianni ilinniartitsisut il.il. akunnernut suliffissaannut isumaqatigiissut

Ilannugssaq

1. Ukioq atuariusoq 2024/2025-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq

Punkt 7: Fritidshjem Aqqalummi atuisut amerlassusiligaanerannik allanngueq

Beslutning

Inassuteqaat akuersissutigineqarpoq.



Fritidshjem Aqqalummi atuisut amerlassusiligaanerannik allanngueq

Aalajangiiffigisassaq

SagsID.: EMN-2022-07973

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

1. Fritidshjem Aqqalummi inissat amerlineqarnissaat 40-niit 70-inut akuersissutigineqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Ukiq 2022-mi missingersuusiordermi kiisalu suleqatigiinnissamik isumaqagiissutaasuni kissaatigineqarpoq, meeqqanut inuusuttuaqqanullu innarluuteqartunut 18-it inorlugit ukiulinnut ornittakkamik pilersitsisoqassasoq.

Meeqqanut Atuarfeqarnermullu Ingerlatsiviup 1. august 2022-miit immikkut tulluarsakkamik sunngiffimmi sammisassatigut ornittagaq Pakkut, meeqqanut autismeqartunut aamma ADHD-qartunut neqeroorut ingerlappaa. Pakkut aggustip aallaqqaataani 2022-mi meeqqerivik Umiamiit nuunneqarpoq Fritidshjem Aqqalummut. Nuunnerani Fritidshjem Aqqalummi atuisut amerlassusiligaanerat 70-niik 40-nut ikilineqarput, tassa Fritidshjem Aqqalup illutaa tungujortoq Pakkummut atulertussanngormat. Taannali illu tungujortoq atorluarneqarnikuunngilaq, taamaattumik illu taanna Fritidshjem Aqqalummut ataleqqinnissaa kissaatigineqarpoq.

Sunngiffimmi sammisassatigut neqeroorut Pakkut inissanik arfineq pingasunut amerlassusiligaavoq. Aallaqqaammut atuartut arfineq pingasut allatseqqapput, atuartut sisamat Atuarfik Samuel Kleinschmidtimi aamma Atuarfik Ukaliusami atuartuullutik, atuartut allat marluk Nuummi atuarfinnut allanut atassuteqartuullutik, taakkulu ikorfartortitik peqatigalugit atuaernerup kingorna atuarfimiiginnartarlutik, atuarfimiit fritidshjemmimut nuuttarnertik ajornakusoortittarmassuk. Atuartut sinneri marluk Ulloq naallugu atuarfimmu nuunnikuuput. Ullumikkut atuisoq ataaseq Pakkunni atuisuvoq.

Taamaattumik Meeqqanut Atuarfeqarnermullu Ingerlatsivik kissaateqarpoq Pakkut, Fritidshjem Aqqalummut atalissasoq. Matumani sunngiffimmi sammisassatigut ornittakkanut inissat atorfissaqartinneqartut eqqarsaatigalugit kiisalu init atorluarneqarnissaat eqqarsaatigalugit.

Meeraq Pakkunni atuisuusoq Fritidshjem Aqqalummut allatsissaaq Pakkunni atuisutut, pisariaqartitsinikkullu periarfissaqassaaq illum tungujortumi inimut mikinerusumiittarnissaa, ullup ingerlanerani eqqissisimaarnissaminut pisariaqartitsilissaguni.

Tamakkiisumik isigalugu Fritidshjem Aqqalummi inissat amerlassusiligaanerat 40-nit 70-inut qaffatsinneqarsinnaassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmu Kiffartuussivimmit aningaasatigut naliliineq



Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq
- Inuit innarluutillit tapersorsorneqarnissaannut Inatsisartut inatsisaat nr.13, 12. juuni 2019-imeersoq
- Meeqqat tapersorsorneqarnissaannut Inatsisartut inatsisaat nr. 20, 26. juuni 2017-imeersoq

Ilanngussaq

Soqanngilaq.

Punkt 8: Meeraaqqerivimmi Meeqqami inimik matusineq - Paamiut

Beslutning

Inassuteqaat akuersissutigineqarpoq.



Meeraaqqerivimmi Meeqqami inimik matusineq - Paamiut

Aalajangiiffigisassaq

SagsID.: EMN-2024-02456

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

1. meeraaqqerivimmi inimik matusineq akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Paamiuni meeraaqqerivik Meeraq meeqqanut 46-nut, ukioqanngitsuniit marlunnik ukiulinnut, inissaqartitsinissamut naatsorsuutaavoq, inini sisamani agguataaqqasussat, sulisullu 15-inut, aqutsisoq ilanngullugu, amerlassusiligaallutik. Kommunalbestyrelsip aggustip ulluisa 29-anni 2023 aalajangerpaa meeraaqqerivik Meeqqami init ilaat matugallarneqassasoq, meeqqat taamaallaat 37-t tassani allatseqqammata. 2023-mi septembarip aallaqqaataaniit meeqqat ukioqanngitsuniit marlunnik ukiullit tungaannut 36-t, ininut pingasunut agguataarlugit, amerlassusiligaapput, sulisullu amerlassusiligaanerat naleqqussarneqarsimallutik 12-inut, aqutsisoq ilanngullugu.

Juunip aallaqqaataanni meeqqat marluk Paamiuni meeraaqqerivimmut utaqqisut allattorsimaffianiippot. Suli nukangammata siusinnerpaamik aggustimi aallartissinnaassapput. Aggustip qaammataanni meeqqat pingasut meeraaqqerivimmiit meeqqerivimmut nuuttussaammata utaqqisut allattorsimaffianiittut meeqqat marluk inissaqassapput. Tamatuma saniatigut Paamiuni 0 - 2-nik ukiullit 2017-imi meeqqat 67-iniit 2023-mi meeqqat 40-nut ikilisimasut Kalaallit Nunaanni Naatsorsueqqissaartarfimmit paasissutissani takuneqarsinnaavoq. Tamanna tunngavigalugu Meeqqanut Atuarfeqarnermullu Ingerlatsivimmi Ulluunerani Neqeroorutinut Immikkoortortamit meeraaqqerivik Meeqqami suli ininik pingasuinnarnik pisariaqartitsisoqarnera nalilerneqarpoq. Taamaattumik meeqqat 36-nut amerlassusiligaanerat attanneqaannarnissaa inassuteqaatigineqarpoq.

Paamiuni meeraaqqerivimmi meeqqanut inissanik amerlanerusunik pisariaqartitsisoqaqqilissappat, Ingerlatsiviup taamanikkussamut inip atoqqilerneqarnissaa siunnersuutigiumaarpaa.

Ingerlatsivimmit aningaasatigut sulisoqarnikkullu naliliinerit

Qaammatit tamaasa inip matoqqatinneqarnerani qaammammut 70.000 kr.-it missaanniittut sipaarutigineqarsinnaapput taakkulu isumaqatigiissutit atuuttut malillugit sulisut pingasut naligivai. Massakkut isertitassanik annaasaqartoqanngilaq, akiliutaasunik, meeqqanik meeraaqqerivimmi inimut tassunga allatsittoqarsimangimmat.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup Meeqqanut Atuarfeqarnermullu Ingerlatsivimmut inassuteqaatigaa, TB1-mut 2024-mut atatillugu akissarsiat ikilinissaat suliareqqullugu naliliinermit aningaasartarititassat amerlaqataannut, suliassaqarfimmi tassani akigitinneqartut naapertorlugit akiliutini aningaasatigut sunniteqassanngippat iliuuseqartoqassanngilaq.

Inatsisitigut tunngavissaq allakkallu tunngaviusumik uppernarsaatillit



- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersoq
- Kalaallit Nunaanni ulluunerani aamma ulloq unnuarlu paaqqinniffinni perorsaasutut sulusut pillugit Kalaallit Nunaanni Naalakkersuisut aamma Nunatsinni Perorsaasut Kattuffiata akornanni ulloq 6. marsi 2021-mi NPK 2020-2024 pillugu isumaqatigiissutaat
- SIK Meeqkerisut isumaginninnermilu ikiortit 2022-2026 - 19. decembari 2023-meersoq, Naalakkersuisut aamma Sulinermik Inuussutissarsiteqartut Kattuffiata akornaanni Meeqkerisut isumaginninnermilu ikiortit pillugit isumaqatigiissutaat
- Nal. akunnermusiallit suliamik ilinniagallit ilinniagaqanngitsullu 2022-2025, Naalakkersuisut, Medarbejder- og Kompetencestyrelsen-ip aamma Sulinermik Inuussutissarsiteqartut Kattuffiata akornanni Akunnermusiallit suliamik ilinniagallit ilinniagaqanngitsullu pillugit isumaqatigiissut

Ilanngussaq

Soqanngilaq.

Punkt 9: Kusernermiit allaffiup nuunneqarnera

Beslutning

Ataatsimiitami ingerlatsivik naleqquttunik periarfissanik misissuinissamut aalajangiinissamullu siunnersuuteqarnissamut pisinnaatinneqarpoq.

Bilag

Sulisut ullumikkut ajornartorsiuteqarnerat



Kusernermiit allaffiup nuunneqarnera

Eqqartugassaq

SagsID.: EMN-2024-022873

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

1. ataatsimiitami Kusernerup illumut allamut nutaalamut nuutinneqarnissaanut periarfissat mississorneqarnissat eqqartorneqassaaq, taamaalilluni sulisut innuttaasunut qaninnerulerniassammata.

Suliassamik saqqummiussineq

Ineqarneq pillugu suliaq peqquutigalugu apriliip aallaqqaataani 2024 sulisut Ceresvej-mit Hans Egedesvej-mut nuupput. Kusernerup allaffiata, oqaloqatiginnittarfiata katsorsartinnermilu oqaloqatiginnittarfiata nuunneqarneri immikkoortortami naartusut ilaqutariillu mikisunik meerartallit sanngiitsut sukumiisumik katsorsartinnissaannut neqeroorutaannut assigiinngitsunik ajornartorsiutinik peqalersitsivoq. Katsorsaannermi najoqqutarineqartoq najugaqartunik qanimut ullullu tamaasa attaveqarfiginerinik tunngaveqarpoq, tamannalu pisarialimmik tapersersuinissamut isumassuinissamullu neqerooruteqarsinnaanermut aalajangiisuvoq. Najugaqartut sulisullu immikkut sumiiffeqartinneqarnerat katsorsaannerup sukumiisup pitsaasullu pisariaqartinneqartup attatiinnarniarneqarnera ajornakusoortinneqarpoq.

Taamatut immikkooqqanerat angallannerup tungaatigut ajornartorsiortitsivoq tamannalu sulisut suleriaasaanut najugaqartullu tapersersorneqarnissamik pisariaqartitaannik periarfissaqarnerannut sunniuteqarpoq. Ullumikkut sulisut aalajangersimasunik aporfeqartinneqarput, taakkulu ilanngussami itisilerlugit allaaserineqarput. Taamatut aporfeqarnerat ulluinnarni sulinerannut najugaqartullu tapersersorneqarnerup isumassorneqarnerullu tungaatigut malunnaatilimmik sunniuteqarnerluppoq.

Sukkasuumik iluarsiiisoqartinnagu sulisut sukumiisumik katsorsaasinnaanerat ajornartoofeqartuarallassaaq. Taamaannera naartusunut sanngiitsunut ilaqutariinnullu mikisunik meerartalinnut sullitarisaannut kiisalu sulisunut ajornaquteqanngitsumik ataqatigiissakkamillu suleriuseqarnissamik pisariaqartitsisunut kingunerluuteqarsinnaavoq.

Aaqqiissutissatut siunnersuut

Sukumiisumik katsorsaasarneq najoqqutarisatsinnut tunngaviusup pilerseqqinnissaanut illumik nutaamik pissarsisariaqarpugut, tasanilu illumi sulisut, suliniutit assigiinngitsut najugaqartunullu katsorsaannissamik neqeroorutit ataatsimoortinneqassapput, soorlu siusinnerusukkut Ceresvej 9-mi taamaannikuusut. Ataatsimoortinneqariapata sulisut katsorsaasinnaanerat tamakkiisunngortinneqaaqqissaq taamaalillunilu naartusut ilaqutariillu mikisunik meerartallit sanngiitsut pisariaqartitaminnik tapersersorneqarnissaat qulakkeerqarluni. Sukumiisumik tapersersuinissaq isumassuinissarlu katsorsaannermi najoqqutarineqartumi pisariaqartoq ingerlatiinnarumallugu pilertortumik aaqqiisoqarnissaa pisariaqartinneqarpoq.

Sulisutta najugaqartut qanilliniassamatigut katsorsaannermilu neqeroorutigisami pitsaassusissaq pisariaqartoq attatiinnarumallugu nutaamik sumiiffimmik pissarsipallannissaq kaammattuutigaarput. Innuttaasut tapersersorneqarnerinut pitsaassutsimik pitsannngorsaataaginnarani sulisut



najugaqartullu akornanni ataqatigiinneq nukittorsarneqassaartaaq, tamannalu katsorsaanikkut angusat pitsaanerpaat angussagaanni pisariaqarnerpaajuvoq.

Allannguuteqartoqartinnagu sulisut pitsaasumik ataqatigiissakkamillu katsorsaanissaannut neqeroorsinnaanerat ajorseriaateqarataannarsinnaavoq, taamaassappallu naartusunut ilaqutariinnullu mikisunik meerartalinnut tapersersuinitisinnik pisariaqartitsisunut ajorluinnartumik kingunerlutsitsisinnaavoq.

Ingerlatsivimmit aningaasatigut sulisoqarnikkullu naliliinerit

Atuunasuuteqanngitsaq.

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Atuunasuuteqanngitsaq.

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqat tapersersorneqarnissaannut Inatsisartut inatsisaat nr 20, 26 Juni 2017-imeersoq § 21 § 22.

Ilanngussaq

1. Sulisut ullumikkut ajornartorsiuteqarnerat

Punkt 10: Lukket

Punkt T: Lukket

Punkt .: Tamalaat

Beslutning

Ataatsimiititamiit ataatsimiititap ukiup sinneranut immikkut sammisaqarnerit ullulerneqarnissaat kissaatigineqarpoq.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 11:44.